



## **Tusagassiorfitsigut nalunaarut**

**17. juni 2020**

### **Naggueqatigiit Inuit misiginneqaataanerat – ‘Black lives matter’ - Qernertumik amillit inuunerat pingaaruteqarpoq**

Inuit Issittormiut Siunnersuisoqatigiiffiata (ICC) qernertumik amillit inuillu allat ammip qalipaataa aallaavigalugu nikassarneqartartut misiginneqatigai, sorpassuartigullu nikkassaasernerit immikkoortitsisarnerillu akuerinngilluinnarlugit. Paasisinnaalluarparput immikkoortitsinerit sualoqisumik ingerlanneqartut kingunerisaannik inuit akuersaannginnerminnik takutitseqattaarmata.

USA-mi politiit peqqarniitsumik pissusilersornerat, ingerlaavartumillu ammip qalipaataa aallaavigalugu immikkoortitsisarnerit nikassaasernerillu nunarsuarmi tamarmi unitsinneqarnissaannik piumasaqaatit ICC-mit aamma tapersorsorpavut.

Uagut naggueqatigiit Inuit inuiaqatigiinni nunanilu najugaqarfitsinni kinguaariippassuit ingerlanerini ammip qalipaataa aallaavigalugu nikassaasernerit immikkoortitsinerillu akiortuarsimavagut. Naak, nunarsuarmi tamarmi inuit pisinnaatitaaffii Naalagaaffiillu Peqatigiit nunat inoqqaavinut pisinnaatitaaffiliai (UNDRIP) aqqutigalugit nammineq aalajangiisinnaanermut pisinnaatitaaffigut aamma nunagisatsinnik pisuussutaanillu piginnittussaataitanermik pisinnaatitaaffigut atuukkaluartut, inooqatigiinnikkut aningaasarsiornikkullu naligiinnerulernissamut suli aporfissarpassuaqarpoq.

Naggueqatigiit Inuit ammip qalipaataa aallaavigalugu immikkoortinneqartarat kinguaariinni arlalinni aqqusaartuarsimavaat. Pinngitsaaliilluni nuutsitsinerit, immikkut atuarfeqartitaanerit, pissaanillit ileqqinut naleqqussaanerit, politikikkut ingerlatsinnerit, nunasiaateqarnerni periutsit atuutsitaanerit, minnerunngitsumillu ammip qalipaataa aallaavigalugu eqqartuussivinni sullinneqartarnerit. Tamakkuupput atugassarititaasut nuanninngitsut, pingaartumik arnanut meeqqanullu atuutsinneqartartut. Sanngiitsumik inissisimasortavut taamatut inissisimatinneqartarnerat allaat inuiaqatigiinni ullumikkumut atuuttuarnerat akuerineqarsinnaanngilaq.

ICC-ip USA, Canada, Rusland Kalaallillu Nunaat naggueqatigiit Inuit peqatigalugu inatsiseqarnerni naalakkersuinermilu ingerlatsinerit, aaqqissuusseqqinnerit inuiaqatigiinnut naligiissitsinerimik aammalu akissussaaffeqarnermik misigisimanernut iluaqutaasussanik pilersitsiortoqquai. Tassani pingaaruteqarpoq eqqartuusiveqarnermi, inatsisinik atuutsitsinerimi, inatsisiliornermilu pissutsit qitiulluinnarnissaat.

Naak nunat taamalaat akornanni atuuttussamik ammip qalipaataa aallaavigalugu immikkoortitsisarnerit atorunnaarsinneqarnissaa 1965-mi FN-imi aalajangersarneqaraluartoq aammalu FN-ip ukiut qulikkaat arlallit atorlugit immikkoortitsisarnerit nikassaasernerillu



atuukkunnaarnissaannik suliaqarluni ingerlatsivoq.

Taamaakkaluartoq naalagaaffinni assigiinngitsuni peqqarniitsumik immikkoortitsisarnerit nikassaasarnerillu nungusarneqaraluartut sulii atuupput aamma nunat inoqqaavinut.

ICC-mi aalajangiusimallugu uppersassavarput, nunarsuarmi tamarmi immikkoortitsisarnerit atorunnaarnissaat anguniagarigatsigu aamma inuit kikkulluunniit inooqatigiinnermi, aningaasarsiornermi, naalakkersuinermi kultureqarnermilu inunnguuseralugu pisinnaatitaaffeqarnerat eqqarsaatigalugu.

Nalunaaruteqartoq:

Dalee Sambo Dorough [dalee@iccalaska.org](mailto:dalee@iccalaska.org)

ICC-p siulittaasua

Anchorage, Alaska